



19299 / 8240

23,

三

7





類雋卷第二十九

勾吳虛舟鄭若庸纂輯

山東按察司副使古虞百樓鍾 穀

校閱

戶部陝西司主事西蜀少川王用楨

哈佛大學哈佛燕京圖書館珍藏印

戶部福建司主事古粵礪山鍾 昌

工部營繕司員外四明夢韓張大器

同閱

臨清州知州古完呂珩 校正

太學生汪珙校刊

鳥獸類

鳳凰

仁鳥

瑞應圖云鳳凰者仁鳥也雄曰鳳雌曰凰

鳳凰不胎剖卵則生

丹穴

山海經云丹穴之山

有鳥狀如鶴五色而文名曰鳳是鳥自歌自舞

見則天下安寧

火精

孔演圖云鳳火精也

歌舞

帝王世紀云黃帝服齊于中宮有大鳥鷄頭鷲

喙龜頸龍形麟翼魚尾狀如鶴體備五色三文

成字首文曰順德背文曰信義膺文曰仁智不

食生虫不履生草或止帝之東園或巢阿閣其

飲食也必自歌舞音如簫笙

好文

又云主好文

則鳳凰翔

負圖

合成圖云堯與舜觀鳳凰負圖

授堯圖其章曰天敕帝符璽五字也

聽鳴

前律

歷志云制十一篇以聽鳳之鳴其雄鳴為六雌

鳴亦六

鳴岐

國周語云周之興也鸞鷲鳴於岐

山翾翾

毛詩云鳳凰于飛翾翾其羽亦傳于天

鏘鏘

又云鳳凰于飛和鳴鏘鏘

朝陽

又云鳳凰

鳴矣于彼高岡梧桐生矣于彼朝陽

鸞鷲

毛詩

草蟲經云雄曰鳳雌曰凰其雛為鸞鷲或曰鳳

凰一名鸞鷲一名鷲

尚書

中候元堯即政

七十載鳳凰上巢阿閣**巢樹**尚書大傳云舜好
生惡殺鳳凰巢其樹**集苑**禮斗威儀云君乘玉
而王其政太平鳳凰集於苑林**為長**大戴禮云
羽蟲三百六十而鳳凰為之長**四靈**禮運云麟
鳳龜龍謂之四靈**火離**春秋元命包云火離為
鳳凰銜書游文王之都故武王受鳳書之紀**銜**
圖春秋合誠圖云帝坐玄扈洛上與大司馬容
光等臨觀鳳凰銜圖置帝前黃帝再拜受圖注
玄扈石室也**德至**孝經授神契云德至鳥獸鳳

凰翔**司歷**列子對孔子曰我高祖少皞之立也
鳳鳥適至故為鳥師而鳥名鳳鳥氏司歷者也

鵠火鵠冠子云鳳鵠火禽陽之精德能致之其
精畢至**六象**論摘表聖云鳳有六象六象者頭

象天日象日背象月翼象風足象地尾象緯**九**
苞又云九苞者一曰口歸命二曰心合度三曰
耳聽達四曰舌訕神五曰彩色光六曰冠短州
七曰距銳鈞八曰音激揚九曰腹戶戶**乘風**傳
云鳳鳥乘於風聖人因於時是也**高**楚辭云

獨不見鳳凰之高翔大皇之野循四極而周迴
見盛德而後下**高舉**又云鳧鴈皆喙夫梁藻兮
鳳逾翔而高舉衆鳥皆有所登棲兮鳳獨皇皇
而無所集**安栖**楚詞云鳳兮安栖不貪又云鳳
亦不貪而妄食**列樹**又云古之王者其政好生
惡殺鳳在列樹**所至**淮南子云昔者三皇鳳至
於庭三代鳳至於門周室鳳至於澤德彌饒所
至彌遠德彌精所至彌近**降祉**韓詩外傳云黃
帝未見鳳凰乃召天老而問曰鳳象何如對曰

大鳳象鴻前而麟後蛇頸而魚尾龍文而龜身
燕頤而鷄啄首戴德頸揭義背負仁心入信翼
挾義足履正尾繫武小音金大音鼓延頸奮翼
五色備舉黃帝乃服黃衣帶黃紳戴黃冠齊于
殿中鳳乃蔽口而至帝降稽首皇天降祉不敢
不承命鳳乃止帝東園集梧樹食竹實沒身不
去**感靈**琴操云周成王時天下大治鳳凰來舞
於庭成王乃援琴而歌曰鳳凰翔兮於紫庭余
何德兮以感靈**作膠**十洲記云鳳麟洲在西海

中多鳳麟上仙之家以鳳啄麟角合煎作膠名集弦膠亦名連金泥能屬連刃劍弓弩弦

列仙傳云蕭史教弄玉吹蕭引鳳臺一旦皆隨

鳳飛去入河洛陽記云鳳陽門五層樓安金鳳

凰二頭石虎將衰一頭飛入漳河日清朗見於

水中物貴任子云鳳為羽族之美麟為毛類之

俊龜龍為介蟲之長楸柟南為衆材之最是物

之貴也雲儀山海經云靈鳳撫雲儀神鸞垂玉

音雖非世上寶爰得王母心街詔鄴中記云石

季龍皇后有詔書五色紙著鳳口中街詔待人

放緋繩轆轤徊轉飛下鳳以木作之五色漆畫

珠脚皆用金為表王子年拾遺記云周昭王

以青鳳之毛為二表一曰燠質一曰暄肌至厲

王未猶寶及厲王流于彘人得而珎之罪有陷

大辟者以青鳳毛贖罪片毛則准千金夢吐西

京雜記云楊雄著太玄夢吐白鳳植竹晉符堅

時長安謠曰鳳凰止阿房堅曰鳳凰非梧桐不

棲非竹實不食乃植梧桐竹於阿城以待之時

慕容冲小字鳳凰至是終陷堅城入止阿城也

上擊宋王云鳳凰上擊九千里絕雲霓負蒼天

于窈冥之中藩籬之鷄豈能與之料天地之高

哉**將子**宋書云何承天年老爲著作佐郎荀伯

子朝之常呼爲奶母承天曰卿當云鳳凰將九

子奶母何害耶**三鳳**唐書云薛元敬與收及德

音齊名世稱河東三鳳**絕矣**五代史云昔舜治

天下政成而民悅命夔作樂聲和鳥獸聞之皆

鼓舞當是之時鳳凰適至舜之史因并記以爲

美後世因以鳳來爲有道之應其後鳳凰數至

或出於庸君繆收之時或出於危亡大亂之際

是果爲瑞哉**鷓雛**莊子云惠子相梁莊子往見

之惠子恐代其相籟子曰南方有鳥名鷓雛非

梧桐不棲非竹實不食非醴泉不飲鷓得腐鼠

遇鷓雛而過恐其奪之食也仰而視之曰赫子

欲以思國赫我耶**在鼓**按瑞圖云王者有道則

儀鳳在鼓故羽葆鼓栖以鳳凰**鳥尊**韋應物云

鳳凰五色百鳥尊知鳶爲害何不言**朝陽**傳云

胡瑗與褚遂良相繼去內外以言為諱帝造奉
天宮御史李善感始上疏極言時人謂為鳳鳴
朝陽**嗷嗷**杜甫朱鳳行云君不見瀟湘之山衡
山高山巔朱鳳聲嗷嗷側身長顧求其曹翹垂
口噤心甚勞**舉翰**太宗鳳賦云資長風而舉翰
戾天衢而遠翔西翥則煙氛闕色東飛則日月
騰光**蔚跂**杜甫云鳳凰蔚跂而來游**覽德**賈誼
云鳳翔于千仞兮覽德輝而下之見細德之隱
微兮遙繒繳而去之**六德**桓玄云惟羽放之舛

殊誕皇鸞而稱傑邈區宇以超樓撫朝陽于丹
穴備六德以成文暉藻翰之有烈**和聲**韓詩云
丹穴五色羽其名為鳳凰昔周有盛德此鳥鳴
高岡和聲隨祥風窈窕相飄揚**低垂**杜甫云北
風吹南極朱鳳日低垂**五章**李白云鳳飛九千
仞五章備彩珍**濟翰**顧愷之云朱冠赫以雙翹
靈筭翮其高舉備六德以成文暉藻翰之郁烈

鸞

青鳳

說文云赤神靈之精也赤色五采鷄形鳴

中五音頌聲作則至一曰青鳳為鸞集車山海

經曰鸞始生類鳳久則五采變易當上古時鸞

輿順動此鳥輒集車上雄鳴於前雌應於後後

世不能致作和鸞以象之因謂之鸞伏自歌海

外經云女牀之少屈氏之國軒轅之丘清沃之

域廣都之野鸞鳥之歌鳳佐孫氏瑞應圖云鸞

鳥鳳凰之佐鳴口五音肅肅雍雍喜則鳴舞人

君行步有容進退有度祭祀有禮親疎有序則

至一本曰律調則至至則鳴舞以和之詩

云鸞聲將將又云鸞聲噦噦將將大聲聲大則

近故也噦噦小聲聲小則遠故也來尚書中

候云黃帝時鸞鳥來儀鸞見又云周公歸政於

成王太平制禮鸞鳥見火離春秋元命苞云火

離為鸞在野春秋孔演圖云天子官守以賢舉

則鸞在野德至孝經授神契云德至鳥獸則鸞

鳥舞鸞臻詩含神霧云德化充塞照潤八冥則

鸞臻也鸞刀郊特牲云割刀之用而鸞刀之貴

貴其義也鸞刀刀有鸞者也以言割牲中節而

和孝感

漢書云方諸遭母憂負土成墳種松于

根鸞鳥栖其上

鸞鳥

又云宣帝祀后土鸞鳳翔

翔又集長樂宮東園樹

集鸞

東觀漢記云王阜

為重泉令鸞鳥集止學宮阜使掾汝疊為張雅

樂繫磬鳥舉足垂翼應聲而舞

止磬

謝承後漢

書云方儲字聖羽幼喪父事母母終自負土成

墳種奇樹千株鸞鳥止其上白鹿游其下

白纓

抱朴子云崑崙圖曰鸞鳥似鳳而白纓聞樂則

節而舞至則國安寧

大瑞

唐六典云鸞為大瑞

大鳴

異苑云鄒賔王置一鸞欲其鳴不可致夫

人曰常聞見類則鳴乃懸鏡照之鸞覩影悲鳴

中宵一奮而絕

鸞岡

豫章記云鸞岡在西山洪

崖先生乘鸞所憇處也

鸞集

王子年云蓬萊浮

木之幹有青鸞集其上

舞桂

龍城錄云八月望

日唐明皇遊月宮見素娥皆皓衣乘白鸞舞于

大桂下

裔裔

天台賦云覲翔鸞之裔裔

峙峙

韓

愈馬殿中誌退見少傅翠竹碧梧鸞停峙能守

其業者也

覆巢

李白詩云鸞鳳惡覆巢麒麟不

來過

歲時

李白詩云歲時紫鸞鳥巢在崑山樹

鳳族

又云鸞乃鳳之族翱翔紫雲霓

玉音

陶詩

云神鸞垂玉音

鶴

知夜

詩義疏云鶴大如鸞長青黑赤頰赤目喙

長四寸多純白亦有蒼色今人謂之赤頰常夜

半鳴其聲高朗聞八九里今吳人園中及士大

夫家皆養之鷄鳴時亦鳴繁露曰鶴知夜半

鳴

韻集云鶴善鳴鳥也

在陰

周易云鳴鶴在陰

其子和之

鳴皋

毛詩云鶴鳴于九皋聲聞于天

乘軒

左傳云狄人伐衛衛懿公好鶴鶴有乘軒

者將戰國人受甲者皆曰使鶴鶴實有祿位余

馬能戰

狗墓

吳越春秋云吳王闔廬與夫人及

女會食蒸魚女怨曰王食我殘魚辱我乃自殺

闔廬痛之會葬之日乃舞鶴於吳市令萬民觀

之遂使與鶴俱入墓門以狗

戰國策

云莊

辛謂楚襄王曰黃鶴生於江海俯喙鯉鯉仰斷

菱藕自以為無患不知夫射者方修弧矢治矰

繳將加已于萬仞之上故晝遊江湖夕調鼎俎

相經

相鶴經云鶴者陽鳥也而遊於陰因金氣

依火精以自養金數九火數七故小變十六年

大變百六十年變止千六百年形定體尚潔故

色白聲聞天故頭赤食於水故喙長軒于前故

後指短棲於陸故足高而尾凋翔於雲故毛豐

而肉踈大喉以吐故修頸以納新故生天壽不

可量**上相**淮南八公相鶴經云鶴之上相露眼

玄睛龜背鳳翼**時鳴**墨子云禽子問曰多言有

益乎對曰蝦蟇日夜鳴口乾而人不聽之鶴鷄

時夜而鳴天下振動多言何益乎**脰長**莊子云

鳧脰雖短續之則憂鶴脰雖長斷之則悲**不冷**

又云老子謂孔子曰夫鶴不日浴而白鳥不日

黔而黑**人化**抱朴子云周穆王南征一軍盡化

君子為猿為鶴小人為蟲為沙**丹鶴**王子拾遺

記云周昭王時塗脩國獻青鳳丹鶴各一雄一

雌以潭皋之粟飴之以潞溪之水飲之**不舞**世

說云殷中君嘗稱劉尊祖於庾公取為位引見

與語不稱失望遂名之為羊公鶴昔羊叔子有

鶴能舞嘗向客稱之客至試使驅來氈氍而不

能舞乘鶴列仙傳云王子喬見桓良曰待我緹

氏山頭至期果乘白鶴住山巔望之不得到集

上神仙傳云介象死吳先帝思之以象所住屋

為廟時時往祭之有白鶴來集坐上也續穀漢

書云王莽以鶴髓漬穀種學仙來而陶侃傳云

侃丁母艱在墓下忽有二客來弔不哭而退儀

服鮮潔知非常人隨而看之但見雙鶴飛而神

天伏鶴伏侯古今注云鶴千歲則變蒼又千歲

黑所謂玄鶴也水鳥繁露云鶴知夜半注鶴水

鳥也夜半水位感其生氣則益喜鳴鳴鶴張鷟

僉載云鳳閣侍郎杜景佺文章知識並高遠時

號為鶴鳴鷄樹兵爪酉陽雜俎云鶴左右脚裏

第一指名兵爪氣交書云鶴鶴相嘆氣交也化

臨海臨海記云郡西北有鶴山周迴六十里高

三百丈有泄水懸注遙望如倒掛白鶴因以為

名青田永嘉郡記云青田有白鶴年年生子長

大便去只餘父母一雙精白可愛多云神仙所
養鶴續搜神記云遼東城門華表柱忽有一

白鶴集徘徊空中言曰有鳥有鳥丁令威去家
千歲今來歸城郭如故人民非何不學仙去空
有塚累累遂上冲天

周處風土記云白鶴
性警至八月露降流於草木上滴滴有聲則鳴

仙禽唐詩紀事云陳標曰鶴與鷓鴣皆胎化而
人以鶴為仙禽蓋鶴難見鷓鴣易見貴耳而賤
目也

銜珠搜神記云噲參行遇玄鶴被傷乃收
養之放去至一夜雌雄俱銜一明珠來以報參
也

帶箭廣得神異記云玄宗獵於沙苑雲間有
孤鶴上御弧矢中之帶箭而逝益州城西觀東
廊第一院有青城山道士徐佐卿一歲率三四
至一日忽不懌曰偶為飛矢所加尋已無恙然
此箭非人間所有留之於壁後箭主至則付之
乃記壁去及帝幸蜀駕遊至觀取而翫之乃御
箭也深異之佐卿乃中箭鶴

題詩河東記云大
和中長安慈恩寺塔月夜有一美人從三四青

衣繞塔言笑忽顧侍婢白院僧借筆硯來於梁
上題詩黃子波頭好月明忘却華亭遠行煙收
山低翠黛橫折得荷花遠恨山僧將燭之化爲
白鶴飛去**奇禽**李白云圖蓬山之奇禽想瀛海
之縹緲紫頂煙赭丹眸星皎昂然佇眙鶴若驚
矯長唳風霄寂立霜曉**低昂**杜甫詩云低昂各
有意磊落如長人**比翼**袁彥正云鴻鶴比翼游
羣飛戲太清常畏失網羅憂患一朝并豈若集
太湖順流唼浮萍**霜毛**杜詩云僊鶴在人間獨
立霜毛整**萬里**又云老鶴萬里心**仙語**劉夢得
步虛詞云華表千年一鶴歸凝丹爲頂雪爲衣
星星仙語人聽盡去向五雲翻翅飛**金衣**西京
記云黃鶴下太液池上爲歌曰黃鶴飛時下違
章金爲衣芍菊爲裳

鴈

鴈候周書云白露之日鴻鴈來鴻鴈不來遠人
背畔小寒之日鴈北鄉鴈不北鄉民不懷土**宜**
麥周禮云天官食醫曰鴈宜麥**雅**毛詩云雍

雍鳴鴈旭日始旦肅肅詩云鳴鴈于飛肅肅其

羽醜足爾雅云鳧鴈醜其足注曰脚指間有幕

蹠屬相著蹠音卜五禮書舜典云修五禮五玉

三帛二生一死注二生卿執羔大夫執鴈陽鳥

書禹貢云陽鳥攸居注隨陽之鳥鴻鴈之屬納

采儀禮云大夫執鴈取其候時而行也婚禮納

采用鴈飾布又云大夫相以鴈飾以布維之以

索如執雉注鴈知時飛翔有別也飾之以布謂

縫衣其身也維謂繫連其足為贊春秋繁露云

凡贊大夫用鴈鴈有序長者在民上必有先後

鴈有行列故以為贊不鳴莊子云舍故人之家

令豎子殺鴈豎子曰其一能鳴其一不能鳴請

奚殺生人曰殺不能鳴者弟子問曰山中之木

以不材得其天年主人之鴈以不材而死先生

何處焉莊子笑曰周將處夫材與不材之間乎

啣蘆淮南子云天鴈從風而飛以愛力啣蘆而

翔以備弋繳中瑞百官志云禮部蒼鳥赤鴈為

中瑞其名物三十有二帶霜文選云呂向注詠

湖中鴈不巢而宿故帶霜也

作歌

漢書云武帝

太始三年東海獲赤鴈作朱鴈之歌

作池

又云

梁孝王睢陽國中作鳧鴈池

五色

又云宣帝於

西河築世宗廟告祠有五色鴈集殿前

傳書

史

記云蘇武在匈奴中昭帝遣使通和教使謂單

于曰天子射上林中得鴈足帛書言武在某澤

中單于大驚乃還武

雙墜

北齊書云斛律老從

文襄出野見雙鴈飛來文襄使明月馳射之以

二矢俱落焉

貫錢

晉朱漢賓嘗出獵射一飛鴈

隨矢而落其鏃正中其臆臆上貫一金錢有篆

文皆無識者由是號為朱落鴈

黥面

五代史云

梁方東攻兗鄆鄆州朱瑾募其軍中驍勇者黥

雙鴈於其頰號鴈子都太祖聞之乃更選勇士

數百人號落鴈羣以朱漢賓為指揮使及漢賓

貴人猶以為朱落鴈

鴈塞

梁州記云梁州縣界

有鴈塞山傳云此山有大池水鴈棲集之故因

名曰鴈塞

石鴈

南康記云平固縣覆笥山上有

湖周迴數十里有石鴈每至秋天石鴈飛鳴如

候時也。回鴈。那志云衡州有回鴈峯鴈至此不
過遇春而回。塞門。成公綏云起塞門之北垠兮
集玄塞以安處。賓弱水之陰。洋洋兮有沙漠之絕
渚。雲墟。羊祐云排雲墟以頡頏。汰弱波以容與。
進凌鸞于泰清。退嬉魚于玄渚。報寒。搗衣曲云
報寒驚邊鴈。南歸。漢武帝秋風辭云秋風起兮
白雲飛。草木黃落兮鴈南歸。鴈壻。李白山鷓鴣
詩云苦竹嶺頭秋月輝。苦竹南枝鷓鴣飛。嫁得
燕山胡鴈壻。欲銜我向鴈門歸。度霜。杜甫云鴈

度麥城霜待麥。又云老鴈春忍飢。哀號待枯麥。

賓秋。又云別浦鴈賓秋。聚沙。又云宿鴈聚圓沙。

斜去。又云驚起暮天沙。上鴈海門斜去兩三行。

鴻

漸陸。周易云初六鴻漸于陸。載車。禮記云前有

車騎則載飛鴻。冥飛。傳云鴻飛冥冥弋者何篡

遵渚。詩云鴻飛遵渚。公歸無所於女。信處。遇風

王褒頌云翼乎如鴻毛之遇順風。于飛。詩注云

鴻鴈美宣王也。萬民離散不安其居而能勞來

還定安集之至於矜寡無不得其所焉故云鴻
鴈于飛集于中澤君子于垣百堵皆作雖則劬
勞其究安宅**有翼**齊語云桓公在位管仲隰朋
見立有間有二鴻飛過桓公歎曰仲父今被鴻
鵠有時而南有時而北四方無遠所欲至而至
焉唯有羽翼之故寡人有仲父猶飛鴻有羽翼
也**戒食**左傳云衛獻公戒孫文子甯惠子食皆
服而朝日旰不召而射鴻於圃二子從之公不
釋皮弁而與之言二子怒如戚**難籠**晉書云阮

鵠隱於臨薤谷張元錫徵之鵠指翔鴻以示之

曰此鳥也安可籠哉遂深逃跡**遠心**尸子云虎

豹未成文而有食牛之氣鴻鵠之擊羽翼未全

而有四海之心賢者之生亦然**胎產**博物志云

鴻鵠千歲者皆胎產也**銷憂**盧思道遷武陽太

守為孤鴻賦云有離羣之鴻為羅者所獲野人

馴養貢之於余置諸池庭朝多賞翫用以銷憂

秋水杜詩云鴻鴈幾時過江湖秋水多

孔雀

火離 春秋元命苞云火離為孔雀 **西獻** 周書云

成王時西方人獻孔雀 **孔蓋** 楚辭云孔雀蓋翠

旌 **西域** 續漢書云西南夷曰滇池出孔雀又云

西域條支國出孔雀 **畫象** 高祖皇后竇氏父在

周為上柱國尚武帝姊長公主嘗謂主曰此女

有奇相何可妄與人因畫二孔雀屏間請婚者

射高祖最後射中各一目 **五色** 魏文帝詔朝臣

云前于闐王山習所上孔雀尾萬枚文彩五色

以為金根車蓋遙望曜人眼 **求吳** 魏文帝遣使

於吳求孔雀羣臣以為非禮欲不與孫權教付

使者 **齊書** 云文惠太子織孔雀毛為裘 **白**

宋 孝武大明五年親昌卑獻孔雀白色者 **解**

唐 明畫錄云邊鸞工丹青真元中新羅國獻

孔雀解舞德宗詔令寫貌一正一背翠釋生動

金光遺妍能應繁節 **博物志** 云孔雀尾多

變色或紅或黃喻如雲霞其色無定人拍其尾

則舞尾有金翠五年而後成雌者不冠尾短無

金翠人採其尾以飾扇拂取者握刀蔽於叢竹

伺過急斬否則回首一顧金翠無光性妬忌遇服錦綵者必逐而啄之每欲山棲先擇置尾之地捕者候雨擒之尾重不能高翔人雖至且愛其尾不復騫揚也自鬻嶺表異錄云孔雀翠尾自累其身比夫雄鷄自斷其尾無所稱焉愛羽說苑云君子愛人辯士愛日孔雀愛羽虎豹愛爪不匹南越志云孔雀不必匹合止以音影相接便孕亦與蛇偶又酉陽雜俎云孔雀因雷聲而孕理門鹽鐵論云南越以此雀珥門戶崑山

之旁以璞玉抵烏鵲此言貴生於少賤生于所有老子曰知我者希則我者貴豈虛言哉解晉公卿贊云世祖時西域獻孔雀解人語馴指應節起舞解病野記云山谷夷民烹孔雀食之味如鶩解百病人食其肉後飲藥不能愈病其血與其首解大毒南人得大卵使鷄伏之即成脚稍屈其名曰都護翳眼衍義云孔雀不可入目昏翳人眼家禽孔文舉詣楊修年九歲為設果有楊梅文舉語之曰此是君家果也修曰未

聞孔雀是夫子家禽也為妻南蠻志云婆利王

左右持孔雀珠毛酉陽雜俎云孔雀尾端一

名珠毛為扇嶺表異錄云交趾人多養孔雀採

金翠毛為扇揚塵魏鍾會賦云戴修尾之翹翹

若順風而揚塵屏開杜甫云屏開金孔雀集

白居易云難收帶泥翅易結着人心頂翠落殘

碧尾花錯暗金放歸飛不得雲海欲巢深穆

韓愈和武相公孔雀詩穆穆鸞鳳友

鷹

鸞爾雅云鷹鸛鸛鳩又曰鷹隼醜其飛也

名廣志云有雉鷹有菟鷹一歲為黃鷹二歲撫

鷹三歲青鷹胡鷹獲鷹白鷹廣雅云白鷹鷹也

祭鳥周書云驚蟄之日鷹乃祭鳥不搏傳云驚

鳥不搏春化大戴禮云仲春鷹化為鳩秋擊春

秋元命苞云瑤光散為鷹立秋之日鷹鸛乃擊

學習禮記云季夏之月鷹乃學習鷹疾又云季

冬驚鳥厲疾左傳云季文子對宣公曰見

有禮於其君者事之如孝子之養父母也見無

禮于其君者誅之如鷹鷂之逐鳥雀也

鷹揚

詩

云維師尚父時惟鷹揚

擊敵

戰國策云唐睢謂

秦王曰要離刺慶忌蒼鷹擊於殿上

鳩化

京房

占云七月鳩化為鷹

如擊

漢書云孫寶為京兆

尹請故吏侯文為掾立秋日文謂寶曰今鷹隼

始擊當順天氣成肅霜之誅

斥放

東觀漢記云

鄧太后臨朝上鷹犬悉斥放之

賜

魏書云呂

布因陳登求徐州牧不得布怒登喻之曰登見

曹公言待將軍譬如養虎當飽其肉則不噬人

公曰不如卿言譬如養鷹飢則為用飽則颺去

布乃解

在也

晉書云崔洪清厲骨鯁為尚書左

丞相時人為之語曰叢生荆棘來自博陵在南

為鷄在北為鷹

斷

唐書云太宗初舊苑中有

籠鷹悉斷聯任去良犬

並解綫放之

附人

晉

書載記云慕容垂請至鄴拜墓符堅許之權翼

諫曰垂猶鷹也飢則附人飽便高颺唯急其羈

絆不任其所欲堅不從去果不還

獲

幽明錄

云楚文王少時雅好田獵有人獻一鷹曰非王

鷹之儔俄而雲際有一物翱翔飄颻不辨其形
鷹竦翮而升轟若飛電須臾羽墮如雪血洒如
雨有一大鳥墮地而死兩翅廣數拾里有博物
君子曰此大鵬雛也得霜朝野僉載云蘇味道
識度王方慶鈍陋俱為風閣侍郎或問郎中張
元一曰蘇王孰賢答曰蘇九月得霜鷹王十月
被凍蠅或問其故答曰得霜鷹俊捷被凍蠅頑
鈍佳名西京雜記云茂陵少年李亭好馳逐鷹
鷂皆為佳名鷹有青翅草眸青冥金距之屬鷂

兄古樂府云豹則虎之弟鷹則鷂之兄神俊建

康實錄云支遁好養鷹馬而不乘放人或問之

曰愛其神俊同鵬酉陽雜俎云鷹相同鵬唯欲

尾長翅短為異耳尖雲申王有高麗赤鷹獵置

駕前曰為决雲兒白鷹文粹云蘇頲雙白鷹贊

序云開元乙卯歲東夷君長貢白鷹一雙皆皓

如練色班若綵章積雪全映飛花碎點所謂金

氣之英瑤光之精高髻偉臆長距秀頸奮發而

銳堅剛則厲摩天絕海雷擊飈遊觀其行時令

順秋殺指麾應捷顧盼餘雄當落鵬之賞義仇
鷓之敵實稀代之尤也殊姿杜甫云殊姿各獨
立清絕心有向疾禁千里馬氣敵萬人將飛掣
杜甫云君不見韞上鷹一飽則飛掣思擊傳玄
云雖逍遙於廣厦思擊厲於中原愁胡杜甫詩
云角鷹翻倒壯士臂目如愁胡視天地不凡杜
云金眸玉爪不凡材

鳥

瑞臻

尚書緯云火者陽也鳥者有孝名武王卒

成大業故鳥瑞臻

流火

尚書中候云周太子發

渡孟津有火自上復拾王屋流為鳥其色赤其

聲魄

屋

大公六韜云武王登夏臺以臨殷民

周公旦曰臣聞之愛其人及其屋上鳥憎其人

者憎其除胥

仰射

淮南子云堯時十日並出堯

命羿仰射十日中其九鳥皆死

飛

爾雅云鳶

鳥醜其飛也翔鷲斯爾雅云鷲斯鴨鷓注楚鳥

也又曰雅鳥小而多羣腹下白一名雅

正

詩

云瞻鳥爰止于誰之屋

莫黑

詩云莫黑匪鳥

樞

陽精春秋運斗樞云搖星散爲鳥陽精春秋元命

苞云日中有三足鳥者陽精也鳥又云鳥孝

鳥何知孝鳥陽精鳥在日中從天以昭孝也楚

慕左傳云楚子元以車六百乘伐鄭諸侯救鄭

楚師夜遁鄭人將奔桐丘謀告曰楚幕有鳥乃

止聲樂又云晉侯伐齊齊師夜遁師曠告晉侯

曰鳥鳥之聲樂齊師其遁叔向告晉侯曰城上

有鳥齊師其遁鷓鴣古今注云鳥一名鷓鴣鳥通

俗文曰白頭鳥謂之鷓鴣詩義問曰有鷓鴣鳥又

雅鳥楚鳥也又曰有燕鳥山鳥炎鳥燕白脰鳥

鸚山鳥注鸚似鳥而小赤觜穴乳出西方掌縮

又云鳥鵲醜其掌縮銜珪墨子云赤鳥銜珪降

周之岐曰命周文王伐殷河出籙圖地出乘黃

天賜武王黃鳥之旗鬼雀張華禽經注云鳥之

白脰者南人謂之鬼雀鳴則凶咎孝鳥又云慈

鳥曰孝鳥長則反哺其母大嘴鳥唇巨嘴禽經

云鳥之巨嘴者善避矰弋彈射白頭傳云燕太

子丹質於秦欲歸秦王不聽謬言曰令鳥白頭

馬生角乃可丹仰天歎鳥即白頭馬為生角秦

王遣之日鳥古今注云日中無光者鳥也日中

鳥若去即天下鳥去也火精抱朴子云熒惑火

精生朱鳥日中三足鳥之精降而生三足鳥何

以三足陽數奇也是以有虞至孝三足集其庭

曾參鋤瓜三足萃其冠主生徐整三五曆云天

地之初有三白鳥主生衆鳥巢廳謝丞漢書云

廣漢儒叔林為東郡太守鳥巢於廳事兔產於

床下接丸張勃吳錄云彭澤有鳥接丸行者丸

飯投之高下無失止裏王隱晉書云雲溥為鄱

陽內史勤勵學業雖威不猛寬裕簡素白鳥集

郡庭止棗樹就執不動巢廳隋書云煬帝起宮

丹陽將游於江左有鳥鵲巢於幃幄驅不能止

啄日陳書云司馬申短毛喜於後主使其廢錮

申嘗晝寢於尚書省下有鳥啄其口流血時論

以為諧賢所致取食括地圖云崑崙山在弱水

中非乘龍不得至有三足神鳥為西王母取食

蔽煙拾遺記云晉文公燒山求子推子推抱樹

有一白鳥從煙蔽之推死文公爲之斷火一月
借枝唐書云李義府召見太宗試令詠烏雲日
裏揚朝彩琴中伴夜啼上林多少樹不借一枝
棲帝曰吾當全樹借汝豈惟一枝**爲足**又云天
授元年有進三足鳥者天后以爲周室嘉瑞中
宗時爲皇嗣言前一足僞天后不悅須臾鳥一
足果墮地**爲城**又云德宗時鄭汴二州羣鳥皆
入田緒李納境街木爲城高二三尺方十餘里
緒納命焚之信宿如故鳥口皆流血羣飛北史

云齊高世辨性怯周師入鄴辨以千餘騎覘候
登高西望遙見羣鳥飛起以爲旌旗即馳還不

敢反顧**巢門**常璩華陽國志云夔道縣孝子吳

順養母赤鳥巢其門**兵曹**北夢瑣言云崔希喬

以仁孝稱在并州廳前有小鳥如鷓鴣巢業葦
上孕卵五色如鷄子雛見月餘五色成文大如

鷲馴擾頃之飛翔時歸舊所號兵曹鳥**神鴉**韓

全海傳云初帝至鳳翔有鴉數萬棲殿樹謂之
神鴉俄而鴉不來人以爲恐**爲城**五行志云貞

元間烏集徐州之滕縣噍柴爲城中有白鳥一
碧鳥一

書

應劭風俗通云武帝時有鳥飛鳴

乘輿命虎賁中郎將王吉射之吉祝曰矢一發
烏洞腋陛下壽萬歲臣受二千石遂中之帝賜
錢二百萬令亭壁畫爲烏也

銜塊

王韶孝子傳

云李陶交趾人母終陶居墓側躬自治墓不受
鄰人助羣烏銜塊助成墳

雀生

說苑云孔子云

存亡禍福皆由已而已昔帝辛之時雀生烏於
城隅占者曰小生大國家必社帝辛信之而不
治國乃至滅亡此詭禍爲福也

銜鼓

異苑云東

陽顏烏以純孝著聞後有羣烏銜鼓集顏所居
之村烏口皆傷一境以爲顏至孝故慈烏來萃

銜鼓之興欲令聾者遠聞即於鼓處立縣而名
爲孝烏以彰其行迹云

斷翎

韓子云夫馴鳥斷

其下翎則必待人而食安得不馴乎夫明王畜
臣亦然也

跋烏

淮南子云日中有跋烏注跋蹲

止不行謂三足也

集府

漢書云朱溥爲御史大

夫府有列栢樹常有烏數千集其上朝去暮來

遷官

傳云柳仲郢自拜諫議後每遷官羣鳥大

集庭樹戟架皆滿家人以為侯惟除天平軍節

度不集果卒於鎮

前引

酉陽雜俎云鳥鳴地上

無好聲人臨行鳥鳴而前引多喜

雅經

世有傳

陰陽局雅經謂東方所著大畧先數其聲第一

聲即是甲聲以十千數之辨其急緩以定吉凶

蘇臺

又鳥棲曲云姑蘇臺上鳥棲時吳王宮裏

醉西施

鳥好

杜詩云丈人屋上烏烏好人亦好

護兒

杜詩云雅護落巢兒

飛去

竇華詩云獨立

衙門秋水闊寒鴉飛去日衙山

鵲

飛鵲

爾雅云鵲鴟醜其飛也鵲注踈超上下也

音宗

鵲

廣雅云鵲鵲

鵲巢

詩云鵲巢夫人之

德國君積行累功以致爵位夫人起家而居有

之彊彊

又云鵲之彊彊

始巢

周書云小寒之日

鴈北鄉又五日鵲始巢鵲不始巢國不寧又月

令云季冬之日鵲始巢

知歲

說文云鵲知太歲

之所在象文從佳昔

備鏡

孫卿子云王者之政

好生惡殺則鳥鵲之巢可俯而窺也

鵲起

莊子

云鵲上高城而爲巢於高樹之巔城壞巢拆凌

風而起故君子之居世也得時則蟻行失時則

鵲起

栗林

又云莊周遊於鵬陵之樊覩一異鵲

自南方來翼七尺目大運寸撼周之顙而集于

栗林

可援

莊子云至德之世鳥鵲之巢可攀援

而窺之

知風

淮南子云鵲巢之風之所起

知來

又云乾鵲知來而不知往此脩短之分也

交感

又云赤肉懸則鳥鵲集鷹隼驚則衆鳥散物之

聚散交感心然

填河

又云鳥鵲填河成橋渡織

女

帝女

廣異記云南方赤帝女學道得仙居南

陽樛山棗樹上正月一日銜柴作巢至十五日

成赤帝誘之不得以火焚之女即昇天因名帝

女

瑞應

西京雜記云樊將軍嘗問陸賈曰自古

人君豈有瑞應乎賈曰乾鵲噪而行人至蜘蛛

集而百事嘉况人君重位乎

燭夜

古今注云乾

鵲一名燭夜

飛駁

格物總論云鵲一名飛駁形

類於雅而差小嘴尖足爪黑頸項背深綠色白

翮尾毛黑白相間善爲巢開口背太歲此非才智任息然也其聲揜揜然人聞其噪則喜北人聞其噪則悲未必鵲之知吉凶蓋人自爲之悲喜耳

東向 別傳云孝武帝燕坐東方朔執戟在傍屈指獨語上問之對曰殿後樹上有鵲立枯枝東向而鳴視之果然朔曰以人事言之風則東方來鵲尾長傍風則傾背風則蹙必當順風而立是以知之也

探鷺 晉王澄爲荊州將之鎮送者傾朝澄見樹上鵲巢便脫衣上樹探鷺而

弄之神氣肅然旁若無人

鵲聞 五行傳云昭帝

元鳳中烏鵲闖於燕王池上烏墮地烏君之象

後燕王誅死

燎鵲 吳志云赤烏十二年有兩烏

銜鵲墮東觀孫權使領丞相朱璆燎鵲以祭

巢

檣 又云孫和之長沙有鵲巢於帆檣官僚皆憂

慘以爲檣未傾危之象旣而和果敗焉

葺殿 唐

書云大曆中乾陵山仙觀有雙鵲銜柴及泥補

葺殿之巢壞一十五處宰臣等上表賀馬

巢車

又云高祖圍堯君素於蒲州糧盡人相食有烏

鵲巢其發石車人心遂離官軍斬其首傳之京

師馴擾又云狄仁傑始居母喪有鵲馴擾**通巢**

隋書云郭雋太原人家人雍睦七世共居大豕

同乳烏鵲通巢時人以爲義感**鵲墮**北齊書云

永洛與張子信坐有鵲鬪而墮馬子信曰鵲言

不善向夕若有風從西南來今夜有人喚公不

得往子信去後果有風至夜高儼使召永洛且

云敕喚永洛欲赴其妻苦留稱墜馬腰折免於

難削木黑子云公輸削竹木爲鵲鵲成飛三日

不下自以爲巧**爲扇**拾遺記云周威王時塗循

國獻丹鵲一雌一雄蓋夏取翅爲扇一名條翮

一名素影**大鵲**拾遺記云員嶠之山名環丘上

多大鵲羣飛採不周之粟於其上巢轍唐書云

天寶十二載葉縣有鵲巢于車轍中不巢木而

巢地失其所也**街火**洞冥記云鳴鵲街火**埋溝**

五行志云埋鵲一枚溝中辟盜賊姦邪**化印**搜

神記云張顥爲梁相有山鵲飛翔化圓石顥椎

破之得一金印文曰忠孝侯印**報喜**天寶遺事

云時人之家聞鵲聲皆為吉兆曰靈鵲報喜乾
鵲陸賈新語云乾鵲噪而行人至**撲抵**鹽錢論
云中國所鮮外國賤之崑山之旁以玉璞抵烏
鵲與處穆天子傳云西王母還歸謠曰徂彼西
土爰居于野豹虎為羣於鵲與處嘉命不還我
為帝女注於讀為烏**毀巢**酉陽雜俎云真觀中
忽有白鵲營巢于寢殿前槐上其巢合歡如腰
鼓左右拜舞稱賀上曰我常笑隋煬帝好祥瑞
瑞在得賢此何足賀乃命毀巢鵲放於野外**獲**

魅又云貞元三年中書省梧桐樹上有鵲以泥
為巢焚其巢可禳狐魅**上梁**又云崔圓相公妻
在家時見二鵲營巢共銜一木如筆管長尺餘
安巢中衆悉不見裕言見雀上梁必貴**報放**僉
載云正觀中黎景逸飼鵲甚馴後景逸被誣下
獄有鵲於獄樓中下向景逸喜噪已而果赦人
問其故云云**鵲賦**梁徐勉鵲賦云出崑山而抵
玉入召南而興賦其識知來其巢知風比之烈
士時起則雄

鳧

總論

格物總論云鳧野鴨色白頭上有毛古今

注云數百為羣多泊在海間沙上食沙石皆消
化唯食海蛤不消隨其糞出且其曹蔽天而下
聲如風雨所至田間稻梁必為之空

釋鳥

釋鳥

云鷗沈鳧沈鳧好沒大小如鴨青色長尾背上
有文卑脚短喙水鳥之謹愿者也

詩云將

將

翔將翔弋鳧與鴈

經

莊子云鳧脰雖短續之

則憂鶴脰雖長斷之則悲此言生理至足無欠

無餘自長非所增自短非所損也

楚詞云

楚詞云

汎汎若水中鳧兮與波上下

雙鳥

風俗通云王

喬為鄴令每朝帝怪往來速密令太史伺望之

無車馬唯有雙鳧從東南飛來于是舉羅網獲

之乃是雙鳥是先所賜尚書官屬履也

灌顏就

就

章云春草鷄翹鳧翁濯顏注鳧翁頸上毛也

海

博物志云人有得鳧鳥毛長三丈以示張華

華見曰此謂海鳧毛也出則天下亂

孝感

廣州

先賢傳云丁密遭父艱飛鳧一雙遊密廬旁小

池見人則馴附後遭母喪歸至所居雙鳧復游
池中人謂孝感魚化吳錄云縣有石首魚至秋
化為鳧鳧頭中猶有石也松鳧南越志云化蒙

縣祠山有池池中松鳧如野鳧栖息松間故俗

謂之松鳧鶴朋白蘋亭記云鳧鶴朋游中雙唐

莊宗記云李克用善騎射仰射中雙鳧裁歸開

元遺事云玄宗奉御池中瑤文密石中央有玉

蓮湯泉湧以成池又有裁錦綉為鳧鴈於水中

常與貴妃乘釵鏤小舟戲翫于其間類笠澤

書云余視獲夜不能寐往往聲類暴雨而至至

明訊其吐曰鳧鷖也其曹蔽天而下盖四所當

之而穗必竭得後漢劉陶議注云鳧得水藻

言喜悅也鵠化杜甫白鳧行云君不見黃鵠高

於五尺童化為白鳧似老翁南李陵云二鳧

俱北飛一鳧獨南翔雪杜牧詩云浴鳧翻雪

羽又云飢鳧曬雪羽傷杜甫云沙上鳧雛傍

母眠鵠韓愈詩云平明脫身去决若驚鳧翔

石張籍春江曲云春江無雲水平滿江心嘯

啣鳧雛鳴

鳩

名類鳩類不一按左傳五鳩曰祝鳩曰睢鳩曰

鷓鳩曰鷓鳩曰鷓鳩鷓鳩鷓鳩也鷓鳩鷓也鷓

鳩鷓也亦名布谷牝牡似鷓而長以飛鳴以

翼相擊睢鳩王睢也祝鳩鷓鳩也鷓鳩一名鷓

鳩一名班鳩一名班鷓一名班佳有班者有無

班者有灰色者有小者有大者春分化黃褐侯

秋分化班鷓或有養之數千亦不見春秋分能

化者鷓亦鳩類數種有白鷓黑鷓或白與黑二

色相雜亦間有紫色者有青黑者兩兩相匹不

雜交人家多畜之翔集屋間又一種者鷓色絕

青不可馴狎人多捕食之**改鳴**說苑云梟逢鳩

鳩曰子將安之梟曰我將東徙鳩曰子改鳴則

可不能改鳴東徙猶惡子之聲也**作歌**琴操云

舜思慕父母見鳩與母俱飛鳴相哺食益以感

思乃作歌**集廬**會稽典錄云皮延山陰人養母

至孝居喪有白鳩巢廬側又云徐憲在喪致哀

白鳩巢戶側鄭弘舉為孝廉朝廷稱為白鳩郎
傳鈞搜神記云長安張氏有鳩自外入止于床
祝曰為我禍耶飛上承塵為我福耶來入我懷
鳩飛入懷以手探之得一金帶鈞是後子孫過
盛有為必遇貲財萬倍蜀客聞之乃厚賂婢竊
鈞以與由是張氏漸衰而蜀客亦罹窮厄或曰
天命也不可以力求乃賚鈞反張氏張氏復昌
故關西稱張氏傳鈞云**時至**瑞應圖云鳩成湯
時來王者養耆老尊道德則至一本曰成王時

來**白子**古今注云平帝元始三年濟南鳩生白

子**白鳩**吳錄云赤鳥十二年八月白鳩見草安

厚恩孔叢子云邯鄲人正旦獻鳩於趙簡子厚

賞之客曰正旦放鳩厚恩也得賞競捕之不如
勿賞簡子曰善**厄井**漢地理志云滎陽有厄井

沛公避項羽處時雙鳩集井上故漢世正旦放
之**常見**鹿門書云鸚鵡不常見君子慕焉鸞鳩

常見小人捕焉**可珍**李白白鳩舞羽辭云鳩之

白時與隣霜衣雪襟誠可珍會甫七子能平均

食不咽性安馴首農政鳴陽春揚武文粒云爽
鳩習而揚武喚雨又云鳴鳩喚雨來

鳩鳩

鷦集詩云維鷦有巢維鳩居之序者以為國君
積行累功以致爵位夫人起家居之有德如鳩
鳩乃可以配焉蓋一者婦道也妻道也均者母
道也小君之道也均所以制節一所以謹度故
詩以况夫人留食雲溪友議云鄧州有老僧日
食一鳩鳩當饌之際貧士求食分其二足而食

食訖老僧嗽雙鳩從口而出一能行一匍匐在
地貧士驚愕亦吐其飯其二脚一出號曰南陽
鳴鳩和尚瘦頸韓文云瘦頸閑鳩催種杜甫
詩云布穀催春種

睢鳩

一四睢鳩鷓類江東呼之為鷓鷩而有別陰陽
自然變化論曰睢鳩不再匹者是也詠詩詩云
關關雎鳩蓋關雎和而擊別而通習水又善捕
魚故詩以為后妃之比不移蟲魚圖云睢鳩在

河洲爲偶更不移處蓋鸚性好跼故每立更不移處所謂鸚立義取諸此

名 鄒子云少皞氏以鳥名官鳳祝鳩氏司徒睢鳩氏司馬鳩鳩氏司空鸚鳩氏司寇鸚鳩氏司事五鳩鳩民者也

睢鳩鷺而有別故爲司馬主法制鳩鳩平均故爲司空平水土祝鳩孝故爲司徒主教民藉虞槐賦曰春棲教農之鳥是也

不雙 俗云睢鳩交則雙翔別則立而異處是謂鷺而有別傳曰鷺鳥不雙是也

鷓鴣

名類

釋鳥云鷓鴣江東亦呼鷓鴣左傳曰鷓鴣

氏春來秋去故爲司事一名鳴鳩月令所謂鳴鳩拂其羽者其一名鷓鴣莊子所謂蜩與鷓鴣笑之者是也似山鵲而小釋鳥曰鷓鴣山鵲也故此一名鷓鴣短尾青黑色多聲故此一名鳴鳩也

戾天 詩云宛彼鳴鳩翰飛戾天言鳴鳩小物決起而飛戾天則其聲亦遠聞其勢亦高至唯勉其故也可以人而不如鳥乎

食 又云鷓鴣

性食棗甚然過則醉而傷其性故詩云于嗟鳩
兮無食棗甚而序以爲刺淫泆也**逐婦**陸機云
鶻鳩一名班鳩蓋班鳩似鶻鳩灰色無繡項陰
則屏逐其匹晴則呼之語曰天將雨鳩逐婦故
曰班鳩則與此鶻鳩全異機之言非今此鳥喜
朝鳴故一曰鶻嘲也凡鳥朝鳴曰嘲夜鳴曰咬
朝嘲禽經云林鳥以朝嘲水鳥以夜咬今林棲
多朝鳴水宿多夜叫咬音夜

隼

好翔

禽經云鷹好踣隼好翔鳧好沒鷗好浮隼

鷗屬蓋迅疾之鳥

飛止

詩云鷗彼飛隼載飛載

止言隼於可飛則飛於可止則止又云載飛載

揚言隼無所定止也

集庭

國語云仲尼在陳有

隼集于庭而死楛矢貫之以問仲尼仲尼曰昔

武王克商所得也

必中

郊子云虎之搏噬疑隼

之搏噬隼故隼於文从水从隼今鷹之搏噬不
能無失獨隼爲有隼故其每發必中而古制字
者以此**爲旗**司常云鳥隼爲旗蓋鳥鳳也畫鳳

以象其德畫隼以象其威
憫胎 化書云鳥反哺
 仁也隼憫胎義也蓋隼之擊物遇懷胎者輒釋
 不戮也 **接翼** 陳子昂云鸞隼不接翼薰猶不同
 器其理自然 **紛拏** 韓愈詩云走章馳擲在得賢
 燕雀紛拏要鷹隼 **屈猛** 杜甫詩云鷹隼亦屈猛
通呼 李善注文選秋興賦注隰有翔隼云鷲擊
 之鳥通呼曰隼

鷲

負雀 爾雅云鷲負雀鷲也 **晨風** 詩義問云晨風

今之鷲 **物變** 莊子云鷲為鷲鷲為布谷布谷復
 為鷲此物變也 **匿懷** 唐太宗嘗得佳鷲自臂之
 望見魏徵來匿懷中徵奏事故久不覺鷲竟死
 懷中

鷲

一鷲 本傳云孔融薦稱衝疏曰稱英才卓礫譬
 如鷲鳥累百不如一鷲使衡立朝必有可觀 **立**
 又云唐韋思謙進御史大夫性蹇諤見王公
 未嘗屈禮或以為譏答曰耳目官固當特立鷲

鸚鵡豈衆禽之偶奈何屈以狎之

鸚

拳 禽經云鸚拳堅處大如彈丸俯擊鳩鴿食之見鳩鴿其拳隨空中即側身自下承之捷於鷹隼傳云擊鳥先高搏鷲之勢也

有義 舊言鸚

有義性杜甫所賦義鸚行是也冬撮鳥之盈握者夜以燠其爪掌左右易之旦即縱去其在東矣是日不東嚮搏物南北亦然蓋其義性有擒有縱李邕鸚賦所謂營全鳩以自煖乃詰朝而

見釋是也

三子

禽經曰鸚生三子一為鶴鳩生

三子一為鸚

思好

北齊書云王思孝以騎射事

文宣王宣悅其驍勇謂曰爾擊賊如鸚入鴉羣宜思好事因改名思好

鷄

積陽

春秋說題云鷄為積陽南方之象火陽精

物炎上故陽出鷄鳴以類感也鷄之為言佳也佳而起為人期莫早也注善為人制晏早之期

釋義

爾雅云鷄之大者蜀蜀子稚未成鷄曰健

絕有力奮鷄三尺爲鷄棲於枝爲桀鑿垣而棲
爲峙郭璞注云蜀今蜀鷄也稚鷄子名也今江
東呼鷄少者爲健鷄古之名鷄爲官周禮云鷄
人掌夜呼旦爲官詩云君子于役不知
其期曷至哉鷄栖于峙翰音禮記云鷄曰翰音
燭夜崔豹古今注云鷄一名燭夜胡鬣廣志云
鷄有胡鬣五指金骸反翅之種大者蜀小者荆
白鷄金骸者美長尾鷄尾細而長長五尺餘出
東夷韓國九真郡出長鳴鷄重翼白澤圖云鷄

有四距重翼者龍也殺之震死化童史云秦時
陳倉見二寶鷄化爲童子或云得雄者王得雌
者霸穆公獵獲得雌者遂霸西戎立祠神光從
東方如雄雞之聲金距左傳云李邵之雞聞季
氏芥其雞郡氏爲之金距平子怒益宮於郡氏
且讓之故郡昭伯亦然平子先鳴又云齊莊公
朝指殖綽郭最曰是寡人之雄也州綽曰君以
爲雄誰敢不雄然臣不敏平陰之役先二子鳴
注晉伐齊及平陰州綽獲殖綽郭最故自比於

雞聞勝而先鳴斷又云昭公二十二年賓孟
適郊見雄雞自斷其尾問之侍者曰憚其為犧
也食呂氏春秋云善學者若齊王之食雞也
食其蹠數千而後足陂墟吳越春秋云婁門外
雞陂墟者王牧雞處連雞戰國策云秦惠王謂
寒泉子曰蘇秦欺弊邑欲以一人之智反覆山
東之君夫諸侯之不可一猶連雞之不能俱上
於栖也食士越絕書云雞山者勾踐以畜雞將
伐吳以食死士德全列子云紀渚子為周宣王

養聞雞十日而問之雞可聞乎曰未也方虛驕
而恃氣十日又問之曰未也猶疾視而盛氣十
日又問之曰幾矣望之如木雞其德全矣異雞
無敢應者也鳴雲論衡云傳言淮南王得道畜
產皆僂犬吠天上雞鳴雲中出關又云孟嘗君
逃出秦關雞未鳴關不開客有鼓臂為雞鳴而
羣雞和之乃得出關碧鷄漢書云宣帝時或言
益州有金馬碧鷄可醮而致之於是遣王褒持
節求焉吞珠又云昭靈后名含始游於洛水有

王雞銜赤珠曰吞之者王含始吞之生漢高祖

化雄 漢書云孝宣帝得雌化雄元后統政之故

雞書 志林云漢官儀宮中不畜雞汝南出長鳴

雞衛士候於朱雀門外專傳雞唱又應邵曰今

雞鳴歌晉太康地道記曰後漢士習此曲於闕

下歌之今雞唱是也 **細尾** 魏志云馬韓國出細

尾雞其尾長五尺餘 **朱首** 魏志云劉邠取山雞

毛著器中使管輅筮筮云高獄巖巖有鳥朱首

羽翼赤黃鳴不失晨此山雞之毛 **雞** 齊書二

傳琰為山陰令二野父爭雞琰問何食一云粟

一云豆琰使破雞得粟罪言豆者 **金雞** 北齊書

云武成即位南宮大赦於殿門外建金雞不識

其義問於司馬膺之對曰海中日占曰天雞星

動當有赦帝王以為侯 **半露** 晉書云符朗善知

味會稽王道子殺鷄以食之既進朗曰此雞栖

常半露檢之驗焉 **起舞** 又云祖逖與劉琨俱共

被而寢中夜聞鷄鳴琨覺曰此非惡聲也因

起舞相謂曰若四海鼎沸豪傑並起吾與足下

當相避於中原窓雞幽冥錄云晉兗州刺史沛

國宋處宗嘗買一長鳴鷄籠着窓間雞遂作人

語與處宗談論極有玄致處宗因此玄乃大進

叱吏北史云宋世良為清河太守發奸摘伏嘗

有一吏休滿還郡食人雞豚世良叱而語之叩

頭伏罪化雄唐史云則天永昌元年正月己未

朗州雌雞化為雄八月乙未松州雌雞化為雄

雞戲唐父老傳云上在藩邸樂民間清明節聞

雞戲及即位治雞坊於兩室間索長安雄雞金

背鐵距高冠昂尾千數養於雞坊戴冠唐異聞

集云呼雞為戴冠郎索闔開元遺事云李林甫

不得士心每有所行之事多不協羣議國人謂

林甫精神剛戾常如索閉雞三足五行志云景

龍二年春滑州康城縣民家雞有三足生角又

云咸通六年徐州彭城民家雞生角蓮冠沈懷

遠南越志云雞冠四開如蓮花鳴聲清徹也不

食范曄後漢書云河南樂陽子妻常有他舍雞

謬入栖內姑盜殺食之妻對雞不食而泣姑恠

問之妻曰自傷屠貧使食有他肉姑竟棄之司

夜韓子云使雞司夜令狸執鼠皆用其能**見棄**

陳子要言云棄晨雞俟鳳警亦猶棄當世之實

才須故人之執政也**靈化**又云朱文繡與羅子

鐘為友文繡死羅子鐘哭之其夜俱亡梁南七

里有山葬繡其中北九里有澗埋鐘其內繡神

靈變為雞鐘魂魄化為雉清鳴哀響往來不絕

故詩曰雞山別飛響雉澗和清音**映水**博物志

云山雞有美毛自愛其毛終日映水目弦則溺

杉雞臨海異物志云杉雞黃冠青縷常在杉樹

下頭上有長黃毛如冠頭及頸正青如垂縷

朱風俗通云俗傳雞本朱氏翁化而成之故呼

雞皆曰朱朱**玉雞**瑞應圖云玉雞瑞氣也王者

至孝合神明則至也**投懷**史云劉武周母趙嘗

夜坐庭中見若雄雞光燭地飛投其懷起振衣

無有感而孕生武周**天雞**玄中記云東南有桃

都山有大樹名曰桃都枝相去三千里上有天

雞日初出照此木天雞即鳴天下雞皆隨之**遠**

飛洞冥記云有遠飛雞夕則還依人曉則絕飛
四海外朝徃夕還候潮異物記云伺潮雞潮水
上則鳴孫綽望海賦曰石雞清響而應潮是也
驅雞荀悅申鑒云覩孺子之驅雞而見御民之
術急則驚緩則滯馴則安鳴晨太玄經云雌雞
晨鳴雄雞宛頭假距吳時外傳云扶南王范尋
以鐵爲閉雞假距與諸將賭戲五德韓詩外傳
云田饒事魯哀公而不見察謂曰臣將去君皇
鵠舉矣哀公曰何謂也饒曰君不見夫鷄乎頭

戴冠者文也足搏距者武也敵在前敢鬪者勇
也見食相呼者仁也守夜不失者信也雞雖有
五德君猶日淪而食之者何也以其所從來近
夫鵠一舉十里上君園池食君魚鼈啄君黍梁
無此五德者君猶貴之以其所從來者遠也臣
將去君黃鵠舉矣臍臍古詞云臍臍臍雞初
鳴磊磊落落向曙星翠冠沈遠讚云翠冠續莒
碧距麗陳朱冠魯瑕長鳴雞賦云朱冠玉璫彤
素並施玄羽博依奕聞雞賦云玄羽點而含曜

喔喔 劉禹錫詩云晨雞喔喔鳴 **啾啾** 韓詩云夜

半金雞啾啾鳴 **催曉** 樂天云黃雞催曉丑時鳴

山雞

鏡照 異苑云魏武帝時南方獻山雞帝欲其鳴

舞而無由公子蒼舒令以大鏡著其前雞鑑形

而舞不知止遂至死韋仲將為之賦 **冠** 漢服

輿志云惠帝時郎中戴冠鷓冠 **裸** 山海經云

鷓雉一名山雞養之襍火災 **燒** 辛氏三秦記

云陳蒼山在太白之西上有石雞與山雞趙時

差使燒山山雞飛去石雞不去晨鳴山頭聲聞

三十里或云是玉雞 **善** 南越志云曾城縣多

鷓鷯鷓鷯山雞也利距善鬪世以家雞聞之則

可擒也光色鮮明五采炫耀 **吐** 綬 倦遊雜錄云

巴峽中有吐綬雞以其羽毛有白圓點又名真

珠雞喙藏肉綬長闊數寸紅碧相間極煥爛須

遇晴日則向陽擺之頂首先出兩角肉亦二寸

許然後徐舒其綬踰時悉斂於喙下披其毛不

復見或有死者割其頸臆間亦無所見 **葳蕤** 李

文饒云歲時輕風裏若銜若重何可擬

鷺雉

禦火 鷺似山雞而小冠背毛黃頂上綠色鮮明

胃腹洞赤西山經所謂赤鷺可以禦火者也

鷺

冕 潘嶽云山鷺悍害姦迅已甚蓋其耿介甚於

佗雉故周官三公服鷺冕與王后三翟之服異

也又劉熙釋名云鷺冕鷺雉之慙惡者山雞也

鷺慙也性急慙不可生服必自殺故畫其形於

衣以象人執耿介之節 **美斃** 博物志云山雞有

美毛采自愛其色終日映水目眩則溺翟雉長

尾雨雪降惜其尾棲樹杪不敢下食往往餓死

蓋文之溺物也如此然則士之不能忘已之美

而至於以文滅質者亦已惑矣故曰羽物之色

莫美於鷺以其美斃焉介物之味莫美於鼈以

其美斃焉

鷺

鷺 廣志云駕鷺野鷺也 **旗幟** 列子云黃帝與

炎帝戰以鷺鷩鷹鴈鷺為旗幟 **野鷺** 爾雅云鷺

一名野鴈江東人謂之鴨餘食曾連子云君鵝鴨有餘食士不足半菽出哇陳仲子居於陵有饋其兄生鵝者已頸感曰惡用是鵝鵝者為哉他日母殺鵝食之其兄曰是鵝鵝之肉也出而哇之善聞古今注云鵝善聞好啖蛇性頑禽獸決錄云鵝性頑而傲陰薄幽明錄云晉義熙中羗主姚毗洛陽陰溝取磚一雙雄鵝并金色交頸長鳴聲聞于九皋養之此溝知色秦記云符朗食鵝炙之黑白之處人不信既而試之杲然

金鵝

臨海記云郡東南有白石山望之如雪上

有湖古老相傳云金鵝所集金鵝吐蕃傳云帝

伐遼還使祿東贊上書曰高麗恃遠弗率於禮

天子自將度遼隳城陷陣指日凱旋雖鴈飛于

天無是治之速夫鵝猶鴈也臣請治黃金為鵝

以獻其高九尺中實酒三斛警鬼酉陽雜俎云

衛公言鵝警鬼入籠又云許彥遇一書生卧路

側云足痛求寄鵝籠中彥戲言許之書生便入

籠中與雙鵝並坐負之不覺重至其一樹下書

生乃出籠去

新語

云會稽有姥養一鵝善

鳴王羲之求市未能得遂携親友就觀姥聞羲

之將至烹以待之嘆惜彌日

書

晉書云山陰

有道士養鵝羲之固求市之道士云爲寫黃庭

經當舉羣相贈耳羲之欣然寫畢籠鵝而去故

詩云書罷籠鵝去何曾別主人

宋

傳云劉毅

家酷貧嘗與鄉曲士大夫往東堂共射時司徒

右長史庾悅要府僚佐出東堂毅先至借堂不

允衆並避惟毅留射如故悅厨饌甚盛毅又曰

身今未得子鵝豈能以殘炙見惠悅又不答及

毅貴奏解悅都督將軍官深相挫辱悅疽發而

卒

聽講

兩京記云淨影寺僧慧遠養一鵝常隨

聽經及遠入京晝夜鳴噪僧徒送入京至寺大

門放之自知遠房馴狎如昔每聞講經入堂伏

聽若聞泛說他事則鳴翔而出如是六年忽哀

叫庭宇不肯入堂二旬而遠卒

送別

南史云太

守王彬巡屬縣諸縣皆盛供帳以待焉至末康

令何遠獨設糗水而已及去唯送斗酒隻鵝而

別彬戲曰卿禮有過將不為古人所笑乎 **水安**

三國典畧云湘東王以妾徐氏賜庾信妾與任

揆私通揆欲求之無敢言者信寔尚有蒼鷓乃

繫書于頸信視之遂題紙尾曰畜生乞汝 **襲戎**

唐書云元和間李愬襲蔡州兵至懸孤城夜半

雪甚城旁有鵝鴨池愬令驚擊之以混軍聲 **好**

鵝李白詩云好鵝尋道士 **眼**杜甫詩云房相

西亭鵝一羣眠沙泛浦白於雲鳳凰池上應回

首為報籠中王右軍 **新鵝**又云鵝兒黃似酒對

酒賞新鵝引頸嗔船過無行亂眠多翅間遭宿

雨力小困滄波客散層城暮狐狸柰若何

杜鵑

怨鳥格物總論云杜鵑一名杜宇一名子規一

名鴛周大如鵲而羽為三四月間夜啼達旦甌

越間云怨鳥夜鳴達旦凡鳴皆北向華陽風俗

錄云其聲哀而吻有血血漬草木聞其初聲則

有離別之苦人惡聞之惟田家候其鳴則與農

事張華註云以為啼苦則自懸於樹自呼曰謝

豹思歸樂鳥伏如鳩而慘色三月則鳴零陵記
云其音云不如歸去即此**帝魂**杜甫云西川有
杜鵑東川無杜鵑涪萬無杜鵑雲安有杜鵑我
昔遊錦城結廬錦水邊有竹一頃餘喬木上參
天杜鵑暮春至哀哀叫其間我見常再拜重是
古帝魂云云**一聲**韋應物云高林滴露夏夜清
南山子規啼一聲隣家孀婦抱兒泣我獨宛轉
何爲情帝月李白云又聞子規啼夜月愁空山
傷春杜甫云傷春怯杜鵑**望帝**寰宇記云蜀之

先黃帝子昌意娶蜀女生帝嚳後有支庶於蜀
歷夏殷周始稱王者自名蚕叢其後有王曰杜
宇稱帝號望帝時有刑人鰲靈尸隨水上至汶
山復見望帝立以爲相後帝自呂其德不及因
禪位於鰲靈遂自亡去化爲子鵲故蜀人聞子
鵲鳴曰是我望帝也催歸韓愈云催歸日未西

鷺

白鳥格物總論云鷺鷥水鳥毛白而潔謂之白
鳥喙長三寸許頂上有毛十數莖毳毳然頸細

而長青脚高尺餘尾短林棲朝出捕鱖魚而食
 夜歸宿其處百千為羣一名春鋤一名屬王一
 名白鷺 **值羽** 詩云坎其擊鼓宛丘之下無冬無
 夏值其鷺羽詩所以刺陳幽王游蕩無度 **絲偃**
 禽經云鷺喙則絲偃鷹捕則角弭藏殺機也 **目**
成 陰陽自然變化論曰鷺目成而受胎鶴影接
 而懷卵鴛鴦交頸野鵲傳枝固有是哉 **味長** 又
 云山禽之味多短水禽之味多長山禽之味多
 脩水禽之味多促山禽尾脩味短若鵲之類是

也水禽尾促味長若鷺之類是也 **羽扇** 南史云

張融年弱冠同羣道士陸脩靜以白鷺羽扇遺

之曰此異物奉異人 **射目** 史云石雄始討劉禎

水次見白鷺謂眾曰使吾射中其目當成功一

發如言 **出鼓** 古今樂錄云吳王夫差時有雙白

鷺飛出鼓中而入雲也 **遊羽** 上官儀云御史供

奉赤墀下筵羽鵲鷺 **戲渚** 文粹云有鳥有鳥粵

鷗與鷺浮湍戲渚皓然潔素 **轉化** 影燈記云正

月十五日玄宗於常春殿張臨光宴白鷺轉花

燈鮮禽謝惠連賦云有提樊而見獻實振鷺之
鮮禽表弗緇之素質墜霜李白云孤飛如墜霜
起沙杜甫云宿鷺起圓沙

雀

嘉賓格物總論云雀小鳥也常依人嘴頷皆黑
通身毛羽褐尾長二寸許爪趾黃白者一名嘉
賓言栖宿人家如賓客云無角詩云誰謂雀無
角何以穿我屋免罪公冶長云解雀語得免罪
火化尚書中候云維天降紀太伯出狩至於咸

陽天震大雷有火下化為白雀銜錄集於公車

書曰太伯霸也化蛤禮記云季秋雀入大水化

為蛤真從家語云孔子見羅者所得雀皆黃口

也孔子曰黃口盡得大雀獨不得何也羅者對

曰黃口從大雀者不得大雀從黃口者得孔子

顧謂弟子曰君子慎所從及敵晏子云齊景公

探雀鷩鷩弱故反之晏子再拜賀曰吾君有聖

人之道矣道長幼也曾禽獸之加焉而况人乎

戰國策云莊辛謂楚王曰夫雀俯喙白糧

仰棲後樹自以為無患不知王孫公子挾彈持
攝丸以加其頸畫棲茂樹夜調酸鹹矣憑霄拾
遺記云舜葬蒼梧有鳥如丹雀吐五色氣氛氲
如雲名曰憑霄雀羣飛銜土成壻化土春秋孔
演圖云鳥化為書孔子奉以告天赤雀書上化
為黃土銜書抱朴子云吳王伐石治宮得紫文
金簡之書使問仲尼仲尼曰此乃靈方長生之
法禹所服也禹將仙化封之名山石函之中今
乃赤雀銜之殆天援也戒危古今注云九月雀

入水不則多滯泆故一升曰爵爵所以戒也亦
取其鳴節足所以戒荒滯之飲舟以戒沉酒爵
以戒滯泆其義一也珠彈太玄經云明珠彈雀
費不當也復官者舊傳云魏尚高帝時有罪繫
詔獄有萬頭雀集獄而鳴尚占曰雀者爵命之
祥我其復官也有頃詔還故官安息廣志云安
息大雀舉頭高八九尺張翅丈餘食大麥卵如
甕條東觀漢記云永元十三年安息王獻條
支大雀夜集後漢書云楊由為文學掾郡有大

雀夜集庫樓上太守廉范問由由曰此占郡內
當有小兵然不為害後蠻夷及殺傷長史孔乘
謝丞後漢書云琅琊董种為不其令赤雀乳廳
前乘上民為作歌頌瑞應圖云赤雀者王
者動作應天時則銜書來一本曰孔子坐玄扈
洛水之上銜天書隨至舞雀述記云周成王元
年具多國人獻舞雀周公命反之放生唐新語
云成敬可與姚崇有親姻崇寢疾敬可造省懷
中置生雀數頭請崇執而後放祝云願令公速

愈劫火杜陽編云順宗即位拘弭國貢却火雀

純黑大小似燕其聲清置於火中自散去遂盛
於水精籠懸於寢殿夜則宮人持蠟炬燒之終
不能損其毛羽釋氏書言雀却火因而浴沙塵

受卵宿柱文選註云夜宿於柱入幕孝子傳云

王祥後母病欲得黃雀炙祥自念卒難致須臾

忽有數十黃雀飛入其幕魚化風土記六月東

南長風海魚化為黃雀夕昏舊說云雀目夕昏

人有至夕昏不見物者謂之雀瞽焦貢易林曰

雀目燕頰畏昏無光顏之推曰雀奚夕昏鴻奚
畫明啞喉韓詩外傳云夫鳳凰之初起也遙遙
千里藩籬之雀啞伊而啞之及其少一屈伸展
轉雲間藩籬之雀自然知其不及遠矣**奪巢白**
居易詩注云燕惡艾雀欲奪其巢先啞一艾致
其巢輒避去因而有之

鷦鷯

鷦鷯說苑云鷦鷯性巧巢於葦茗繫之曰髮俗
呼巧婦一名工雀一名女匠其喙尖利如錐取

茅秀為巢巢至精密以麻紮之如刺鞞然故又

一名鞞雀**巢林**莊子云鷦鷯巢林不過一枝**化**

釋鳥云桃蟲今鷦鷯是也似黃雀而小化而

為鷦故俗語云鷦鷯生鷦**生蜩**焦贛易林云亦

謂桃虫生蜩或云布穀生子鷦鷯養之**揀飛**其

化為鷦鷯蓋鳥之始小終大者詩曰肇兄彼桃

虫揀飛維鳥言成王懲管蔡之亂於是始信小

物之能成大不敢不誌也**巧婦**爾雅云桃蟲俗

名巧婦又云鷦鷯剖葦又云鷦鷯鷦鷯

鶯

應節 格物總論云鶯大勝鵙鶯黑眉嘴尖紅脚

青遍身甘草黃色羽及尾有黑毛相間三四月

鳴聲音負滑一名倉庚一名商庚一名鶯黃一

名鸛鷓一名鸛庚或謂黃栗留謂之楚雀或謂

之黃袍或謂之搏黍或謂黃鳥皆此物也當棋

熟時來在桑樹鳴則蚕熟應節趣時之鳥云 **蚕**

生 說文云黃鸛倉庚也鳴即蚕生 **觀曉** 凱風云

觀曉黃鳥載好其音 **仁聽** 高隱外書云載顯春

日携雙相斗須人問何之曰往聽黃鸛聲洗浴

耳砭針詩腸鼓吹知之乎 **攢木** 賈至秋興亭記

云當發生之晨則攢秀木於高砌見鶯其鳴矣

出幽 文粹云林亭晏集序云鶯出幽而初轉 **金**

衣 天寶遺事云明皇於禁苑中見黃鶯呼為金

衣公子 **驚眠** 韓愈云春風紅樹驚眠處似妬歌

童作艷聲 **好音** 文選云楊園流好音 **下堂** 杜詩

云鶯語太丁寧 **省蝶** 又云花妥鶯捎蝶 **織柳** 唐

詩云鶯擲金梭織柳絲

鷓鴣

鷓鴣 格物總論云鷓鴣大如小野禽嶺表異錄云臆前有白圓點背上間紫赤毛其飛也皆東南廻翔然開翅之始必先南翥多對啼本草云形似母鷄自呼輒輒格磔者是有鳥相似不為此鳴者非也竹鷄比之差小毛羽褐多班赤紋自呼泥滑滑所在山谷有之 **向日** 鷓鴣自呼其名尚向日而飛飛數隨月蓋若正月一飛而止

葉覆 禽經云畏霜露早晚稀出有時夜飛飛則

以木葉自覆其背古牋偃鼠飲河止於滿腹鷓鴣街葉才能覆身此之謂也 **肉白** 嶺表異錄云肉白而脆味勝鷄雉

燕

燕 博物志云一戊巳日皆土故燕之往來避社而嫌土齊人呼鳧蓋取其鳴自呼故曰鳧也一名玄鳥蓋取其色故曰玄鳥也一名鷓鴣莊周所謂鷓鴣者鳥莫知於鷓鴣日之所不宜處不給視雖落其實棄之而走其畏人也而襲

諸人間此燕安之道也故其字又爲燕安之燕

生商

詩曰天命玄鳥降而生商言簡狄吞其卵

而生契淮南子曰契生於外此之謂也

遺卵

呂

氏春秋云有娥氏有二佚女爲九成之臺飲食必鼓鸞往夜鳴二女爭搏之覆呂玉筐少傾發而視之鸞遺二卵北飛遂不返二女作歌曰鸞往北實始爲北音注北國之音也

司分

左傳云

郊子曰少昊時玄鳥氏司分者也

異名

廣雅云

燕玄鳥也齊曰燕梁曰乙大如雀而長布翅岐

尾巢於梁間春社來秋社去故謂之社燕三種

紫胸輕小者是越燕胸班黑聲大者是胡燕俗

呼胡燕爲夏侯其作巢喜長人言有容一疋縮

者令家富巢戶有北向及尾偃而色白者是數

百歲燕也

燕

文昌雜錄云燕子至秋社乃去

仲春復來昔因開河岸崩見蟄燕無數晉時飢荒民掘野鼠蟄燕食之乃知燕亦蟄耳驚蟄後中氣乃出非渡海也苔溪漁隱曰余曩見路傍巨石有冗試令斲之見鶯燕蟄於其間者甚衆

因驗文昌之言為是而據遺之說為非也

夏小正云玄鳥至至者入室屋也

云少昊氏之時亦燕一雙而飛集少昊氏之戶

遺其丹書

女脩史記云秦之先顓頊之苗孫曰

女脩織玄鳥墮卵女脩吞之生大業

臨江閔王榮坐侵廟壩為官上徵榮詣中尉郅

都責訊王恐自殺葬藍田燕數萬銜土置塚上

百姓憐之

漢書云王莽開哀帝母丁姬塚

有燕數千銜泥投其窟中

魏志云諸葛原

嘗取燕卵使管輅射履輅占曰含氣須變依於

宇堂雌雄以分翅未舒張此燕卵也

記云千歲之燕戶北向

唐李公佐燕女坟

記云宋末有女姚玉京夫溺水死守志室有雙

燕一為鷲所攫其一孤飛悲鳴徘徊至秋翔集

玉京之臂如告別然玉京以紅縷繫足曰新春
復來為吾侶也明年果至因贈詩曰昔時無偶
去今年還獨歸故人恩義重不忍更雙飛自爾
秋歸春來凡六七年其後玉京卒明年燕來周

章哀鳴家人語曰玉京死矣坟在南郊燕逐至
坟所亦死每風清月明人見玉京與燕同游漢
水烏衣據遺云唐王榭居金陵航海遇風舟破
附一板拒一舟見翁媪皆皂服曰此吾主人郎
也引至宮室見王坐大殿皂袍烏冠以女妻榭
榭問女曰此國何名曰烏衣國也王命即召宴
於寶墨殿命玄玉盃勸榭命作詩卒章云恨不
此身生羽翼王以其詩相譏不悅遣人曰某日
當回是日王命取飛雲軒既至乃烏氍毹子令

榭入其中閉目少息已至其家梁上雙燕下視

榭乃悟所止燕子國也共乳唐書云崔玄暉居

父喪廬有燕更巢共乳蟄井酉陽雜俎云或言

燕蟄於井底舊說燕不入室是井虛也取相爲

男女各一投井中燕必來入懷開元遺事張說

母夢玉燕自東飛投入懷中已而有孕生說果

爲相傷目續異記云孫氏之妻黃見一童子當

前以釵擲之躍入雲去夜聞戶外歌曰昔填夏
家塚輦泥頭欲禿今寄黃氏居非意傷我日尋

覓巢中得一白鷺左目傷生鬣述異記云燕之

千年生胡髯相質淮南子云大厦成而燕雀相

賀湯沐具而蟣虱相弔天女京房易占云山見

白燕其君宜得貴女注云今俗名燕為之天女

神芝茅君注云句曲山有五種神芝第三名燕

胎芝其色紫形如葵葉上有燕像食一株拜為

太清仙君正一郎中旅食杜詩云旅食雙飛燕

啣泥入此堂如客又云秋燕已如客作家杜詩

云老屋無僧燕作家社期又云畫堂歌舞喧

地社去社來人不看長是江樓使君伴黃昏猶

待倚欄干

鸚鵡

能言說文云鸚鵡亦云鸚鵡能言鳥也鸚從鳥

鸚聲鸚從鳥鸚聲記云鸚鵡能言不離飛鳥人

舌又云鸚鵡人舌能言青羽赤喙其狀如鸚總

論總論云鸚鵡言語音圓滑最惜毛羽喜潔淨

又有白者秦吉子大約似鸚鵡腦有黃肉冠時

樂鳥丹首紅臆朱冠綠翼鶯領文背揉以五色

與鸚鵡狀亦同而毛尾金翼其心辨慧尤非凡禽比云天下有道則見皆領南所產靈鳥也

舌 萬畢術云乾畢一名鸚鵡斷舌可使言語

母 江表傳云孫權曾大會白頭鳥集殿前權

曰此何鳥諸葛恪曰白頭翁張昭自以坐中最

老疑恪譏之因曰恪欺陛下未嘗聞鳥名白頭

翁者試使恪索白頭母恪曰鳥名鸚鵡可復求

鸚父耶昭不能答

異色 郭璞云鸚鵡舌似小兒舌有五色者亦有純白純赤者又廣州記云根

杜出五色鸚鵡曾見其白者大如母鷄

物志云鸚鵡有三種一種青大如鳥者一種白

大如鵝鵲一種五色大於青者交州巴南盡有

之及五色

藏 異苑云張華有白鸚鵡每出行還輒說童僕善惡後寂無言華問其故鳥云見

藏甕中何由得知復在外令喚鸚鵡鸚鵡曰昨

夜夢惡不宜出戶公猶強之至庭為鸚所搏教

其喙鸚脚僅而獲免

地 異物志云凡鳥四指三向前一向后此鳥兩指向后行則以口喙地

然後足從之。**雪衣**明皇雜錄云開元中養白鸚
 鵡於宮中歲久頗聰慧上及貴妃皆呼雪衣女
 性既馴優常上每與貴妃及諸王博戲上稍不
 勝左右呼雪衣娘必飛入局中鼓舞以亂其行
 列或喙嬪御又諸王手使不能爭道忽一日上
 與貴妃出於別殿置雪衣娘於步輦竿上瞥有
 鷹搏之而斃瘞於苑中為立塚呼鸚鵡塚。**滅火**
 靈驗記云鸚鵡飛集山中禽獸輒相愛重鸚鵡
 自念雖樂不可久也便去後山中有大鸚鵡遙

見便入水霑兩灑之天神言汝雖有志何足云
 也鸚鵡曰猶知不能然嘗僑住山禽獸行善皆
 為兄弟不忍見耳天神感之即為滅火。**傳呼野**
 錄云蔡相確貶新州侍兒名琵琶絡焉有鸚鵡
 甚慧公每扣響板鸚鵡傳呼其名琵琶卒後誤
 觸響板鸚鵡猶傳呼不已悒悒不樂有詩云鸚
 鵡言猶在琵琶事已非傷心瘴江水同渡不同
 歸又作送將歸賦未幾公果下世。**慧鳥**郭璞山
 海經圖讚云鸚鵡慧鳥棲林啄莖四指中分行

則以嘴

告賊

天寶遺事云長安豪民楊崇義妻

劉氏與隣舍兒李弁私通同謀害崇義埋井中

劉氏訴於官鸚鵡忽然曰殺家主者李弁也遂

執訊得實明皇封為綠衣使者

擇林

後漢稱衡

鸚鵡賦云飛不妄集翔必擇林緝趾丹嘴綠衣

翠矜采采麗容咬咬好音雖同族於羽毛固殊

智而異心配鸞凰而等美焉比德於衆禽

朱珠

王維白鸚鵡賦云同朱珠之清音變綠衣於素

綵

紅腹桓玄賦云紅腹頰足玄領翠項

慧也

王

維賦云慧性孤稟雅容非飾含火德之明輝被

金方之正色又色凌紈質彩奪繒衣

翠羽

羅隱

云莫恨鷗籠翠羽殘江南地暖隴西寒勸君不

用分明語語得分明出轉難

鴛鴦

匹鳥

說文云鴛鴦匹鳥有思者也說文稱鳳言

鸛鷓鴣鴛思是已崔豹古今注云鴛鴦鳧類也雄

雌未嘗相離人得其一一思而死故謂之匹鳥

鴛性如此故先王慎於取之鴛鴦之類是也

雄

雌俗云雄鳴曰鴛雌鳴曰鴛**文禽**格物總論云

鴛鴦文禽亦匹鳥也衣鳧毛有文采雌雄未嘗

相離人得其一則一相思而死鸕鶿毛亦五采

尾有毛如船柁小如鴉皆水鳥也**在梁**鴛鴦在

梁戢其左翼注休息也**相耦**止則相耦飛則相

雙梁鴛列子云周宣王之牧正有役人梁鴛者

能養野禽獸無不柔馴也所謂梁鴛者即取鴛

鴦在梁不驚撓之義**鴟嚇**莊子云鴟得腐鼠而

嚇鴛雛**瓦化**魏志云文帝問周宣曰吾夢兩瓦

墜地化為鴛鴦何也宣曰後宮當有暴死者帝

曰吾詐卿耳宣曰夫夢者意耳苟以形言便占

吉凶言未卒黃門令奏宮人相殺**相類**鄭氏婚

禮謁文贊云鴛鴦雌雄相類飛止相匹**貞義**唐

楊日華膳夫錄云古人圖之於繡衣上以其貞

且義也又云為羽族即不棲樹林類水鳥而不

在江澚又云尤異者養雛於土窟破塚之間能

使狐衛其子**錦機**梁元帝賦云勝林鳥之同心

邁池魚之比目魂上相思之樹文連新錦之機

奚雙

稽聖賦云睢鳩奚別鴛鴦奚雙

知

杜詩

云合婚尚知時鴛鴦不獨宿

初

禽經云鸚鵡

五色尾有毛如船舵小如鴉沈約郊居賦所謂

秋鷺寒鷺脩鷓短兜是也性食短狐在山澤中

無復毒氣故淮賦云鸚鷺勅邪而逐害者故名

云

術

智瑣言云鷓之步網鷺之畫印溪鷺之勅

勅

建州圖

螺羸之祝皆是物之有術智者也

勅

建州圖

經云溪鷓於水渚宿老少若有敕令也雄者左

雌者右羣伍皆有式度

呈

劇談錄云河南府

尹闕每僚佐有入臺則前溪水中先有小灘漲

出牛僧孺為縣尉一旦忽報灘出翌日有老吏

云此必分司御史若是西臺灘上當有鸚鵡一

雙立前後僧孺潛揣縣僚無出已者因舉杯曰

既有灘河惜一雙鸚鵡宴未終俄有鸚鵡雙下

不數日拜西臺御史

鸚

水鳥

格物總論云鸚水鳥一名負金一名背雲

一名旱羣狀類於鶴但赤脚無朱頂巢於高木

絕頂處善飛搏其飛也奮於層霄之上落處不
知其幾千里仰天號鳴必將有雨或者其有靈
性云**鳴垤**詩曰鸛鳴於垤婦嘆於室注天將雨
穴處者先知故蟻出垤而鸛就食之遂鳴於其
上也**集**文選云水鸛巢層臺**趨地**朝野僉載
云魏光乘任左拾遺題品朝士丞相姚元之長
大行急日爲趨地鸛坐此貶新州新興尉**羣飛**
本草云人採巢取鸛子六十里旱能羣飛激雲
雲散雨歇其巢中以泥爲池含水滿池中養魚

及地以哺其子

影抱

酉陽雜俎云言鸛影抱

應

雨靈應圖經云鸛將雨而鳴

戲庭

柳宗元閔生

賦云戲鳧鸛乎中庭兮兼葭生於堂筵

婦嘆

韓

愈詩云婦嘆鳴鸛

鸛

健聞

說文云鸛似雉而大黃黑色故其名曰褐

而鸛賦云揚玄黃之勁羽也有毛角專場健聞
聞死不却蓋鸞鳥之暴疏者每所攫撮應瓜確
碎亦愛其黨郭璞鸛贊所謂疇類被侵雖死不

避古者令武士冠之實取諸猛先儒所謂虎夫
戴鷩是也為幟列子云黃帝與炎帝戰以鷩鷩
為旗幟無知字說曰奚也曷也皆無知也鷩可
畜焉以放於死奚物無知者也鷩善鬪焉以放
於死鷩物無知者也殺鳥禽經云鷩殺鳥也鷩
信鳥也集舍漢書元京尹兆張敞舍鷩雀飛集
丞相霸以為神雀欲以上聞敞劾奏之霸大慙
鷩冠與服志云虎賁武騎皆鷩冠以其鬪死乃
止故趙武靈王以表武士焉

鷩

風化三蒼云蒼鷩善高飛似鴈目相繫而孕吐
而生子其色蒼白莊子所謂白鷩相視眸子不
運而風化者也今鷩亦雄雌相隨受卵是亦風
化諺曰鷩鷩相逐成是也西方之書曰濕以合
感化以離應飛左傳云六鷩退飛過宋都風
也上風博物志云鷩亦雄鳴上風雌鳴下風而
孕鷩退李德裕張禹論云雖鷩退於宋妖不勝
於德也風胎蜀都賦云風胎雨殼風胎若鷩是

也鷓鴣睨而生子又作鷓隔而通者也**倚風**杜甫詩云倚風遺鷓路

鷓

鷓鴣說文云鷓鴣屬也其品中善羞內則所謂

雉兔鷓鴣是也**穀升**白虎通云一穀不升撒鷓

鷓二穀不升撒鳧鴈三穀不升撒雉兔**為闔**夢

書曰鷓鴣為闔夢見鷓鴣憂闔辨也**雀屬**一曰

鷓亦雀屬所謂鷓上尺是也

鷓

鷓鴣釋鳥云鷓鴣鷓郭璞曰今之鷓鴣也好羣

飛沉水食魚故名**似鷓**滂澤鷓形似鷓而大人

足其鳴自呼頷下胡大如數升囊因以盛水貯

淮南子云鷓鴣飲水數升而不足鱣鮪入口若

露而死是也蓋魚生水中而口不納水顏之推

曰魚不咽水一名洵河一名滂澤**畏鷓**莊子云

魚不畏網而畏鷓鴣言鷓以智力取魚故魚不

畏網而畏之也**在梁**詩曰維鷓在梁不濡其翼

維鷓在梁不濡其味蓋鷓性羣飛沉水食魚若

遇小澤有魚便各引胡去水令水竭魚露乃共食之故號淘河滲澤則濡其味翼宜矣今反取飽於梁不濡其翼非特不濡其翼又且不濡其味故詩曰刺人不食其力無功而受祿也

沐澤 顏師古云鷓鴣即沐澤也一名淘河腹下胡大數升囊羣入澤中杼水食魚因名秃鷓亦水鳥也

好沒 方言云野鳧甚小好沒水中南楚之人謂之鷓鴣大者謂之鷓鴣

淘河 昔有人竊肉入河化為鳥口猶有肉因名淘河注本草云

嚇鷓 杜詩云江中淘河嚇飛鷓

鷓鴣

似鷓 淮南子云似鷓而有憤說文寒皋鷓鴣也

斷舌可使言語

踰濟 周禮云鷓鴣不踰濟注不

踰濟無妨中國有也

來巢 左傳云魯昭公二十

五年有鷓鴣來巢書所無也師已曰異哉吾聞

文武之世童謠有之鷓之鴣之公出辱之鷓鴣

之羽公在外野往饋之馬鷓鴣株株

師已魯大夫跳行貌

報事 幽明錄云晉司空桓豁在荆有參軍養鷓

鵠學語參軍善琵琶鵠鵠每立聽移時又善能
效人語聲司空大會吏佐令悉效四坐語無不
絕似有生齟鼻學之不似因內投於甕與齟者
無異主典人於鵠鵠前盜肉鵠鵠白參軍曰汝
云其盜肉以新荷裹著屏風后之果獲痛加治
而盜者以熱湯灌殺參軍悲傷累日請殺此人
司空曰原殺鵠鵠之痛誠合論殺不可以禽鳥
故極之以法令止五歲刑也衣憤語林云晉謝
尚王導辟爲掾始到府導有勝會謂曰聞君能

作鵠鵠舞尚便着衣憤而舞坐者撫掌擊節尚
俯仰其中傍若無人乳鵠五行志云大曆十三

年五月左羽林軍有鵠鵠乳鵠食蝗五代史云

隱帝乾右元年七月戊申鸚鵡食蝗取火酉陽

雜俎云鵠鵠舊言可使取火效人言勝鸚鵡取
其目睛和人乳研滴眼中能見煙霄外物魚袋

國史異集云秘書少監崔行功未得大夫前忽
有鵠鵠啣一物入其室乃魚袋鈎缺不數日加
大夫也魚袋韋應物白鵠鵠詩云衆皆蓬蒿下

再自三山來飛來掌上時拂拭人心鳥意自無
猜傳令韓愈城南聯句云呼傳鵠鵠令

鶉

鶉居禽經云鶉無常居而有常匹故尸子曰堯
鶉居莊子曰聖人鶉居而穀食
鶉詩云鶉之
奔奔鶉之疆疆奔奔闔也疆疆剛也言鶉能不
亂其匹鶉能不淫其匹故序云衛人以為宣姜
鶉鶉之不若也
生突莊子云吾未嘗為牧而羊
生於奧未嘗好田而鶉生於突若勿怪何耶

鶉裕云此鳥性淳蠢不越橫草所遇小草橫其
前即旋行避礙名之曰淳以此亦其性淳所之
易熟亦以此也
朱鳥筆談云古人取象不必大
物天文家朱鳥乃取象於鶉故南方朱鳥七宿
曰鶉首鶉火鶉尾是也
兩種又云鶉有兩種有
丹鶉有白鶉此丹鶉也色赤黃而又銳上禿下
夏出秋藏飛必附草皆火類也或有魚所化者
魚鱗虫龍類火之所自生也

類集卷第二十九終

